



## Publicaziuns officialas dils 27-12-2019

---

### **Aperitiv da Daniev**

La suprastonza communal envida Vus cordialmein, preziadas convischinas, preziai convischins e preziai hospes ad in aperitiv da Daniev. Communablamein vulein nus far in viva sigl onn niev. Igl aperitiv da Daniev ha liug allas 17.00 uras en casa da scola a Rabius. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 27-12-2019

*Suprastonza communal Sumvitg*

### **REFERENDUM FACULTATIV**

La radunonza communal dils 19 da december 2019 ha priu denter auter il suandont conclus:

- *Tractaziun ed approvaziun dil project da catramar la Via da Marias a Sumvitg e concessiun dil credit brut da 120'000 francs*

Sura conclus ei suttaposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 16-01-2020. Il referendum sa buca vegnir retratgs.

Sumvitg, 27-12-2019

*Suprastonza communal Sumvitg*

### **PREAVIS**

#### **Administraziun communal / Comunicaziun**

L'administraziun communal resta serrada sur las fiastas da Nadal e Daniev sco suonda:

- naven da gliendisdis, ils 23-12-2019, allas 17.00 uras, entochen venderdis, ils 27-12-2019 allas 08.00 uras
- naven da gliendisdis, ils 30-12-2019 allas 17.00 uras, entochen venderdis, ils 03-01-2020 allas 08.00 uras

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 27-12-2019

*Administraziun communal*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 27-12-2019

*Departament stradal*

## **Has ti plascher da cantar canzuns da rock e pop, lu s'annunzia!**

Il Chor mischedau Sumvitg/Cumpadials preveda da dar in concert cun canzuns profanas tradiziunalas ed **ina part cun canzuns pli modernas da rock e pop**. Nus envidein perquei tut tgi che ha plascher da cantar surtut musica in tec pli moderna, e nus vein grond plascher sch'enqualin sedecida per nies project «Let's rock». Las emprovas entscheivan miez schaner 2020 ed il concert ei previus la fin fevrer 2021. Nies dirigent dat bugen dapli sclariment, ni neu semplamein ils 13 da schaner tier l'emprema emprova sco fuffernadi. Il plan d'emprovas ei gia semtgaus e sa vegnir retratgs tier la presidenta (079 569 21 70). Nus giavischein a vus tuts ina legrevla fiasta da Nadal e tut bien egl onn niev. *Cantaduras e cantadurs dil Chor mischedau Sumvitg/Cumpadials*

## **Ils Retgs e las Reginas dalla vischnaunca da Sumvitg fan viseta**

Entuorn Buania visitein nus las casadas da nossa vischnaunca. Il tur entscheiva mintgamai allas 17.00. Dallas bunamanas che nus astgein retscheiver va ina pintga summa en nossa cassa da classa. La gronda part dil recav ei destinada per projects caritativs. Nus engraziein gia ordavon per Vies sustegn e giavischein a Vus in bien niev onn.

### **Cumpadials**

#### **venderdis, ils 3 da schaner 2020**

entir vitg e staziun Sumvitg/Cumpadials

### **Surrein**

#### **sonda, ils 4 da schaner 2020**

Val, Reits, Giachentrina, Plazzas su

#### **dumengia, ils 5 da schaner 2020**

Plazzas sut, Caglieci, Encarden, Planatsch, Bubretsch

### **Rabius**

#### **venderdis, ils 3 da schaner 2020**

Runs, Caho, Fraissen, Curtins, Gara

#### **sonda, ils 4 da schaner 2020**

Cavivens, Gir, Tschuppina, Rabius sut via, Rabius sur via

#### **dumengia, ils 5 da schaner 2020**

Cumadé, Caduff, Chistrisch, Fravia, Catat

### **Sumvitg**

#### **venderdis, ils 3 da schaner 2020**

Clavadi en caplutta allas 17.15

Sogn Benedetg en caplutta allas 18.00

Laus en caplutta allas 19.00

#### **sonda, ils 4 da schaner 2020**

Sumvitg, sur via

dumengia, ils 5 da schaner 2020

Sumvitg, sut via

## **Pro Senectute a Cumpadials**

### **Meisa da miezdi (gentar communabel)**

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia cun dar in scart troccas ni auters giugs.

**Liug:** Ustria dalla Staziun, 7176 Cumpadials

**Datum:** venderdis, ils 10 da schaner 2020 allas 12.00

**Annunzias:** Ein da far entochen mesjamna sera tier Ustria dalla Staziun, Cumpadials,  
tel. 081 943 19 22